

- 1^r Wer nit kan schwygen heymlicheyt
- 2^r Vnd syn anschlag eym andern sey
- 3^r Dem widerfert / rüw / schad / vnd leydt

Kap. 51



Heymlicheit verswigen

- 1 Der ist eyn narr / der heymlicheyt
- 2 Synr frowen / oder yemans sey
- 3 Dar durch der sterckest man verlor
- 4 Samson / syn ougen vnd syn hor /

5 Es wart verrotten ouch alsus
 6 Der wissag Amphyaraus
 7 Dann frowen sint / als die gschrift sey
 8 Böß hūterin der heimlicheyt
 9 Wer heymlich ding nit schwigen kan
 10 Wer dūt mit btrogenheyt vmb gan
 11 Vnd spannt syn lefftzen wie eyn tor
 12 Do hūt eyn yeder wiß / sich vor /
 13 Mancher berūmbt sich grosser sach /
 14 Wo er nachts vff der bülschafft wach
 15 Wann man syn worten recht nach gründ
 16 Offt man jnn vff eym misthuff fünd
 17 Dar vß gar dick entspringet ouch /
 18 Das man merckt / wo er ätzt den gouch
 19 Dann was du wilt das ich nit sag /
 20 Schwigstu gar wol ich schwigen mag
 21 Magst du nit bhaltten heymlikeyt
 22 Die du jnn gheym mir hast geseyt
 23 Was bgårst du dann schwigen von mir
 24 Das du nit haben mōchst an dir
 25 Hett Achab nit syn heymlicheyt
 26 Synr frowen Jezabel geseyt
 27 Vnd hett verschwigen solich wort
 28 Es wer geschehen nit eyn mort
 29 Wer üt heymlichs jm hertzen trag
 30 Der hūt sich / das ers nyeman sag
 31 So ist er sicher / das nyeman
 32 Das jnnen werd / vnd sag dar von
 33 Der prophet sprach / ich will alleyn /
 34 Myn heymlicheyt han / nit gemeyn /

21 heymlikeyt GW5046 GW5047] heymlicheyt GW5041